

DE AMMENTARE

sas cunsonantes

cfptv si iscrient semper simples!

Sacu (saco; sacco; sac); **Baca** (vaca; vacca; vache)

Diferèntzia (diferencia; differenza; différence)

Apetitu (apetito; appetito; appétit)

Gatu (gato; gatto; chat)

Avisu (aviso; avviso)

AGETIVOS SUSTANTIVADOS

sunt sos agetivos chi s'agatant a sa sola e non sunt acumpangiados dae unu nùmene:

sos **pòberos** non depent pagare sas tassas

Sos **malàidos** si depent curare

AGETIVOS POSSESSIVOS

inditant s'appartenèntzia de una cosa, persone, animale etc.

1° Singulare

MEU

MEA/mia

MEOS/mios

MEAS/mias

Su pòddighe meu

Sa manu mea/mia

Sos ogros meos/mios

Sas urigras meas/mias

2° Singulare

TUO

TUA

TUOS

TUAS

Su bratzu tuo

Sa conca tua

Sos dentes tuos

Sas ungras tuas

3° Singulare

SUO
SUA
SUOS
SUAS

Su pè suo
S'anca sua
Sos pilos suos
Sas càvanas suas

1° Plurale

nostru
nostra
nostros
nostras

Su còidu nostru
Sa limba nostra
Sos ossos nostros
Sas palas nostras

2° Plurale

Bostru
Bostra
Bostros
Bostras

S'ossu bostru
Sa pedde bostra
Sos chìgios bostros
Sas caras bostras

3° Plurale

Issoro
Issoro
Issoro
Issoro

Sa vida e s'istòria issoro est interessante.

AGETIVOS DIMUSTRATIVOS

Si ponent a dae in antis a su nùmene de persone, animale o cosa.

Custu
Cussu
Cuddu

Custu: ìnditat unu nùmene a curtzu a chie faeddat;

Cussu: ìnditat unu nùmene atesu a chie faeddat;

Cuddu: s'impreat pro inditare su nùmene chi est atesu dae chie faeddat e dae chie ascurtat;

AGETIVOS NUMERALES

Agetivos chi pretzisant numericamente sa cantidade de unu o prus nùmenes.

Amus:

Agetivos cardinales
Agetivos ordinales
Agetivos multiplicativos

cardinales:

unu	ùndighi	bintunu
duos	dòighi	bintiduos
tres	trèighi	bintitres
bator	batòrdighi	bintibator
chimbe	bìndighi	bintichim be
ses	sèighi	bintises
sete	deghe sete	bintisete
oto	degheoto	bintioto
noe	deghe noe	bintinoe
deghe	binti	trinta

Es: apo bidu tres logos cun bìndighi bitzicletas in espositzione
es: sa famiglia de Pedru sunt bator frades e duas sorres.

Agetivos ordinales

Inditant sa positzione de una persone, animale o cosa intre sas àteras:

primu
segundu
su de tres
su de bator
su de chimbe
su de ses
su de sete
su de oto
...

es: custa est sa segunda letzione de limba sarda

curiosidade:
in sa limba de oe si narat finas:

tertzu
cuartu
cuintu
sestu
sètimu
otavu
(su de noe)
(su de deghe)
etc.

Agetivos multiplicativos

inditant cantas bortas una persone, animale o cosa est prus manna de un'àtera:

a dòpiu (a duas bortas)
a tres bortas
a bator bortas
a chimbe bortas
a ses bortas

Bi sunt fintzas sos fratzionàrios

sa meidade
una perra

... sos colletivos:

una pàriga

una paja
mesa dozina
un'otava
una dozina

... apossimativos:

una deghina
una bintina
una trintina
una chimbantina